



Valetaziun e promoziun da scola 2015 – 2019

Cundiziuns da basa

Tenor art. 91 dalla lescha da scola ei igl inspectorat da scola responsabels per la controlla e la garanzia dalla qualitat ellas singulas scolas popularas. La valetaziun e la promoziun da scola succeda sin basa da quell'incarica tenor la lescha da scola sco era tenor art. 4 alinea 2 dallas directivas per igl inspectorat da scola.

Intent dallas cundiziuns da basa

Las cundiziuns da basa dattan sclariment a tuts pertuccai davart:

- la finamira dalla valetaziun e promoziun da scola 2015-2019
- ils secturs ed indezis da qualitat ch'ei d'evaluar
- ils pensums dils pertuccai
- il diever dallas datas
- la realisaziun dallas mesiras

1. Finamira

La valetaziun e promoziun da scola 2015-2019 ha la finamira da rinforzar il svilup dalla scola e da metter a disposizion alla scola las referenzas da basa ch'ella basegna. Cun las constataziuns centralas tier ils secturs da qualitat elegi e cun las indicaziuns da svilup che seresultan ordlunder muossa la promoziun e valetaziun da scola 2015-2019 ina vesta externa alla scola.

2. Secturs ed indezis da qualitat

Las informaziuns detagliadas davart ils secturs ed ils indezis da qualitat che vegnan evaluai els onns da scola 2015 - 2019, anfleis vus ella broschura dall'evaluaziun ni sin la pagina-web www.av.s.gr.ch.

3. Pensums dils cumpigliai

Igl inspectorat da scola presuppona che tut ils cumpigliai lavuran ensemen da maniera transparenta ed aviarta ed ein prompts d'encurir comunablamein bunas sligiazions per damondas e problems che semuossan.

3.1 Il cussegl da scola

Il cussegl da scola sustegn igl inspectorat activamein enten

- esser presents cun silmeins ina persuna dil cussegl da scola agl emprem discuors, all'occurrentza da rapport sco era al discuors final,
- declarar obligatoria la partecipaziun allas occurrenzas d'evaluaziun per tut las personas d'instrucziun (davart excepziuns decida il cussegl da scola, resp. Il/la meinascola),
- decider davart l'opziun d'aprofundar ils resultats suenter l'occurrentza da rapport,
- organisar il resun dils resultats dalla retscherca cun ils geniturs.

3.2 Il/la meinascola

Il meinascola ei responsabels che tut las personas pertuccadas vegnien informadas davart questas cundiziuns da basa.

Il meinscola ei presents agl emprem discuors, duront l'introducziun dil team da scola, alla intervesta da sclariment, all'occurrentza da rapport, alla sesida directiva, all'aprofundaziun opziunala cul team da scola sco era al discuors final.

El sustegn igl inspectorat tier l'organisaziun.

En scolas senza meinascola surpren il president/la presidenta dil cussegl da scola quellas incumbensas.

3.3 Il team da scola / la persuna d'instrucziun

En scolas senza meinascola ei la persuna da contact responsabla per la comunicaziun cun igl inspectorat.

La persuna d'instrucziun ei responsabla ch'ils resultats dalla consultaziun da scolaras e scolars vegnien fatgs enconuscent alla classa.

3.4 Igl inspectorat da scola

Il team d'evaluaziun secumpona d'inspecturas ed inspecturs dalla partiziun "Inspectorat da scola dil Cantun Grischun".

Igl inspectorat informescha la scola davart il decuors dall'evaluaziun externa e realisescha quella tenor concept.

4. Il diever dallas datas

Las datas seresultadas s'audan alla scola evaluada ed agl inspectorat districtual. Il rapport cun tut las datas vegn surdaus al cussegl da scola ed al/alla meinascola.

La persuna d'instrucziun visitada retscheiva l'artga cun il giudicament dall'instrucziun, il profil dall'instrucziun dalla classa sco era il profil dall'instrucziun dalla scola.

Tuttas ils/las participont/-as dall'occurrentza finala retscheivan supplementarmein in rapport cun las constataziuns centralas incl. ina selecziun dallas datas trianguladas ed anonimisadas.

4.1 Datas generalas

Igl inspectorat da scola presenta en ina occurrentza da rapport las datas ed ils resultats alla scola. La direcziun da scola vegn informada ordavon davart ils pli impurtants resultats. Las personas d'instrucziun, il/la meinascola ed il cussegl da scola survegnan la pusseivladad da sclarir damondas davart il rapport final.

La scola informescha il geniturs en fuorma adattada davart ils resultats dalla consultaziun dils geniturs.

4.2 Datas da cuntegn personal

En cass ch'igl inspectorat remarca duront l'evaluaziun tier ina persuna d'instrucziun gronds deficits da cumpetenzza vegn quella plidentada en caussa. Eventuals ulteriurs pass necessaris vegnan iniziati digl inspectorat ordeifer il proceder dall'evaluaziun. Il cussegl da scola sco era il/la meinascola vegnan informai, respectivamein involvai da maniera adeguata.

Las indicaziuns / valetaziuns sin l'artga da valetaziun dall'instrucziun ein notizias momentanas ed astgan buc vegnir duvradas per la valetaziun dil personal.

5. Realisaziun dallas indicaziuns da svilup elegidas dalla scola

Il cussegl da scola e la direcziun da scola discuteschan circa 8 jamnas suenter l'evaluaziun el discuers final cugl inspectorat il cuntegn e la realisaziun dalla mesira elegida. Quella duei esser focussada sin l'instrucziun.

La responsablidad per la realisaziun schai tiel cussegl da scola, respectivamein tier il/la meinascola.